

摘藻堂四庫全書薈要

集部

欽定四庫全書薈要卷一萬五千五百六十九

集部

劔南詩藁卷七十九

宋 陸游 撰

秋思

湖邊一夜霜庭樹無秋聲  
嬾不近筆硯何以紓幽情  
但有一睡耳展轉無由成  
起擁地爐暝坐待天牕明

又

弊衣但故絮糲食惟黃蘗  
餘年如登山步步勤攀躋  
從

子念寂寞千里致鹿麕秋風石帆下伴我扶青藜

又

稽山九十翁病起無氣力擁杖牧雞豚乃是老人職一  
盃芋糝羹孫子喚翁食既飽負朝陽自愧爾何德

又

今日鵲噪簷邢趙別我西

芻父  
去華

老懷易感慨近別亦慘

悽自我卧孤村海內無輪蹄垂虹秋愈佳不得同裝齋

覽鏡

鏡中老翁誰非復少年我誦書如布穀拈出無一可又  
非富貴逼棄去自不果無功博一飽有臯當萬坐老境  
最堪笑作計日益左正似鳩拙巢不及蚕自裹霜寒衣  
未贖瑟縮附殘火作詩數十年所得良鎖鎖弱松困蔓  
纏何日見磊砢洞庭可遠遊秋風思揆施

雨晴

小雨初增氣慘悽新晴差解病沉迷虛廊靜院聽松籟  
細草甘泉養鹿麋寒靄細分山遠近野歌相應路高低

孰知倦客蕭然意  
水品茶經手自攜

秋盡自遣

息駕江湖上  
推移歲又殘  
雨添苔暈紫  
霜染柏林丹  
貧歎畊疇薄  
狂依禁網寬  
遊山攜一鉢  
到寺即開單

又

老健非頤攝  
羈窮為折除  
人情看已慣  
身在不論餘  
席下錢雖盡  
餅中粟有儲  
行歌混樵牧  
吾計未全疎

晝卧

我意殊昏然一日三就枕目前幸未病病勢亦凜凜偶  
拈一卷讀美若鳩食甚雖云嗜好篤自計亦已審聖門  
未能窺詎敢希在寢所求養根原常恐躡堦品死期誠  
已迫尚可支數稔蘆菜不廢功吾其享高廩

獨坐

博山香霧散馥馥袖手何妨靜掩扉六十年前故人盡

紹興中往還朋舊  
今乃無一人在

八千里外寄書稀

自張季長下世  
蜀中書問幾絕

昨

朝送客桐江去今日逢僧剡縣歸欲作小詩還復懶海

鷗與我兩忘機

書感

衰顏非復昔年朱幾過黃公舊酒壚成敗只堪三太息  
是非終付一胡盧連天煙草迷歸夢動地風波歷畏途  
辛苦一生成底事躬畊猶得補東隅

舟中夜賦

問天乞得不貲身常作東阡北陌人買酒不澆曾礪礪  
憂時空覺膽輪困寓居尚復能栽竹羈宦懸知正憶尊

那似石帆山下客  
釣船載月泊煙津

舍傍晚步

蒲團初起定藤杖  
偶閒行鳥語如相命  
魚浮忽自驚  
麥苗經雨綠  
楓葉得霜頽  
野老淳風在  
悠然不送迎

又

養疾便居僻  
尋幽喜雨晴  
偶因將鹿出  
遂作放魚行  
木落塢初見  
潦收灘自生  
霜清念遊行  
漸擬問山程

自詠



紛紛世態但堪悲一念蕭然我亦奇  
醉裏猖狂醒自笑夢中虛幻覺方知  
江湖重複風波惡齒髮凋零歲月馳  
安得中原路如砥渭川釣伴待多時

又

茅舍蕭條似寶坊老人終日對爐香  
學荒自笑身空在祿盡誰知壽更長  
陂水蘸隄常濫濫麥苗覆塊已蒼蒼  
經行更有欣然處四野鉏耰滿夕陽

初冬

初冬常憶宴梁州  
百炬如椽滿畫樓  
三十七年猶未死  
茅簷霜冷一燈幽

霜晴

萬瓦新霜白一窗  
朝日晴破裘身亦暝  
細字眼猶明  
喜譔諄語衰常蹉  
蹕行登封書不草  
力穡報時平

初寒

新雁來時歲又殘  
丹楓數樹照江干  
前山雲起忽成暝  
陋屋雨來初變寒  
身退已收清禁  
夢里居終出上恩寬

作詩老恨無奇思時取囊中斷橐看

題傳神

溼雲生兩履細雨暗孤篷悔不桐江上從初作釣翁

書感

伐性戕生豈一端算年贏得是衰殘齒牙零落畏大敵  
毛髮蕭疎便小冠惜日每驚新歷換怯寒尚覺弊廬寬  
華山阻絕岷山遠安得冥鴻借羽翰

宋都曹屢寄詩且督和奮作此示之

古詩三千篇刪取財十一每讀先再拜若聽清廟瑟詩  
降為楚騷猶足中六律天未喪斯文杜老乃獨出陵遲  
至元白固已可憤疾及觀晚唐作令人欲焚筆此風近  
復熾隙穴始難窒淫哇解移人往往喪妙質苦言告學  
者切勿為所怵杭川必至海為道當擇術

獨飲

肅肅霜風勁蕭蕭木葉聲殘年如寄爾冷坐太憎生就  
市沽新釀呼兒洗破觥獨斟還獨醉無月配長庚

簡湖中隱者

十里隔天鏡一菴依翠屏  
甘泉勝牛乳靈藥似人形  
處處筇枝健年年鬢色青  
客星猶不作肯應少微星

初冬雜詠

重陽已過二十日殘菊纔存三四枝  
對酒插花君勿笑從來不解入時宜

又

古壽書來言得壻東陽人到報生孫  
一家三處俱強健

且撥閒愁近酒尊

又

兒時愛書百事廢  
飯冷截乾呼不來  
一生被誤終未醒  
老作蠹魚吁可哀

又

微風撼水靴文浪  
薄日烘雲卵色天  
但恨世間閒客少  
江湖底處欠漁船

又

書生本欲輩莘渭  
蹭蹬乃去為詩人  
囊中略有七千首  
不負百年風月身

又

俗緣已斷寧容續  
幽事雖多不厭增  
折簡迎醫看病鹿  
舂粳炊飯供遊僧

又

夜窗父子共煎茶  
一點青燈冷結花  
村落盜清無犬吠  
園林月上有啼鴉

又

老去胸中百事真同遊無復白頭新鵲從熟後頻分食  
鹿漸馴來不避人

老歎

齒髮衰殘久退休衡茅荒寂更禁秋一無用力身猶倦  
百不關心夢亦愁遠浦卧看鳧泛泛深林時聽鹿呦呦  
天台日有遊僧過白朮黃精不待求

小園



誰為閒愁撥不開小園也復有池臺清泉白石皆吾友  
綠李黃梅盡手栽衝雨芟雞時上下近人栗鼠不驚猜  
自憐兩屨猶輕捷不待兒扶日日來

冬夜思里中多不濟者愴然有感

大耋年光病日侵久辭微祿卧山林雖無歎老嗟卑語  
猶有哀窮悼屈心力薄不能推一飯義深常願散千金  
夜闌感慨殘燈下皎皎孤懷帝所臨

宿近村

病齒漂浮短髮稀此身猶墮亂書圍邯鄲倦枕晨炊熟  
昌谷空囊晚醉歸久困厭從人乞貸力畊頻遇歲凶飢  
行年九十窮彌甚旅舍燈前自綻衣

梅村野人家小憩

正遣清詩覓菊栽穿雲涉水又尋梅萬牛不挽新愁去  
一鳥還驚午夢回老媿逢人說幽憤窮能隨事學低催  
江邊漂母何為者無食王孫未易哀

寄陳伯予主簿

今年閏餘時令早十月霜風吹客倒老夫畏寒不出門  
數步隣家迹如埽此時陳子獨何勇飢僮瘦馬長安道  
絕知涵養與人別吐氣如虹失衰老孟軻浩然正應爾  
豈比區區養梨棗萬鍾于子本何加一官未免從人討  
世誰不達子獨窮孰念令人惡懷抱石渠天祿正須才  
往乞揚雄太玄草

夜坐憶剡溪

早睡苦夜長晚睡意復倦歛膝傍殘燈拭背展書卷時

時搔短髮稍稍磨凍硯更闌月入戶皎若舒白練便思  
泛樵風溪名次第入剡縣名山如高人豈可久不見

道上見村民聚飲

霜風利如割霜葉淨如埽正當十月時我行山陰道場  
功俱已畢歡樂無壯老野歌相和畲村鼓更擊考市墟  
酒雖薄羣飲必醉倒雞豚治羹馘魚鱉雜鮮莞但願時  
太平鄰里常相保家家了租稅春酒壽翁媪

小江

出郭四十里孟冬天尚和風生帆力健木落月明多小  
市人聲散長橋炬火過吾生幾來往撫枕獨悲歌

短歌行

富貴得意如登天自計一跌理不全晝食忘味夜費眠  
渠過一日如一年春蠶得衣畊得食農功初成各休息  
賣酒壚邊紛鼓笛我過一年如一日二者求兼勢安可  
與我周旋寧作我春城桃李豈不妍雪澗未妨松磊砢  
人生禍福難遽論廟犧烏得為孤豚君不見獵徒父子

牽黃犬歲歲秋風下蔡門

初寒

重雲蔽白日陂港日夜涸秋風纔幾時已見霜雪作人  
生各有分豈必衣狐貉吳中冬蔬茂盤筋不寂寞搏泥  
治牆屋伐篠補籬落薄酒亦醉人問子胡不樂

對鏡

鏡中衰顏失敷腴綠鬢已作霜蓬枯兩肩聳聳似山字  
曳杖更有蠻童扶自驚何以致此老亟欲脩敬問起居

徐徐熟視乃大笑但記昔我忘今吾今吾雖儻頗神王  
飛仙正可折簡呼遠遊縱未從谿父醉眼猶能隘具區

書劔

書劔當年徧兩川歸來垂釣鏡湖邊老皆有死豈獨我  
士固多貧寧怨天物外勝遊攜鶴去琴中絕譜就僧傳  
莫言白首詩才盡讀罷猶能意爽然

城南道中有感

行李蕭然一束書城南觸目更愁予市門乞食僧持鉢

關路哦詩客跨驢殘髮無多真已矣名山未去獨何歟  
芒屨可買身猶健紅樹青霜十月初

寄子虞兼示子適

書生賦命艱舉步得憂患敢論得意事一笑亦有限南  
征度閩嶺西戍歷蜀棧吳江聽唳鶴淮浦送歸雁歸來  
畊故山暮雨泥沒骭羣鴉下空陂黃犢鳴絕岸索飯閔  
兒啼乞墻虞妾覩一裘三十年破裂不受綻欲添一把  
茅百計亦未辦大兒急親養辛苦就遠宦間出冒戰塵



短甲中夜擲小兒奉親驩野果采溪澗勉使就微祿未  
對涕先潛觀汝兄弟意豈復厭藜莧兄歸弟不出定省  
同夜旦

一年老一年

一年老一年一日衰一日譬如東周亡豈復須大疾嬾  
惰已廢書冊久病來亦復踈盃酒輟車小住固自佳拂  
袖便行亦何有下床擁火暝有餘鹹豆數粒粥一盃平  
生常笑愚公愚欲栽墮齒染白鬚

自東岡繚出舍北

年光豈不好老境獨無歡百步未為遠一尊聊自寬  
澤枯波尚綠霜薄葉初丹矯首問來雁中原應苦寒

有客

有客南山至相攜飯野亭傾籃魚白白出籠菜青青  
米滑溪春碓醅渾草塞瓶從今同保社日醉不須醒

陳伯予見過喜予強健戲作

寒無羶坐甑生塵此老年來乃爾貧兩頰如丹君會否

胸中原自有陽春

東陽郭希呂呂子益送酒

山崦尋香得早梅園丁又報水仙開獨醒坐看兒孫醉  
虛負東陽酒擔來

夜坐

家家績火夜深明處處新畬雨後畊常媿老身無一事  
地爐堅坐聽風聲

兩日意殊不懌作短歌自遣

一月得笑纔四五十事敗意常八九國中謾說無雙士  
天下元無第一手平生愛酒恨小戶半世為文真弊帚  
劫灰處處吊興亡宿草年年哭交友君看丈夫得意時  
大冠如箕印如斗一朝棄去豈復論衣破何妨露雙肘  
有時采藥二室間亦或釣魚五湖口死來萬古一熟眠  
安用虛名傳不朽

戲書日用事

衰病時時作閒愁日日生寒添沽酒興困喜磴茶聲琴

廢還重理詩成更細評殘年那望進且復暢幽情

獨立

上書不上登封書  
蔡車但蔡下澤車  
夕陽獨立衡門外  
閒看村童學釣魚

夢中江行過鄉豪家賦詩二首既覺猶歷歷能記也

築屋傍江臯牆垣締結牢深門蔭楊柳高架引蒲萄黍  
酒歡迎客麻衫旋束條兒孫勿遊惰常念起家勞

又

蒲席剝風健江潮帶雨渾樹餘梢纜迹崖有刺篙痕酒  
酹湘君廟歌招屈子魂客途嗟草草無處采芳蓀

病中夜思

一病輒兼旬百憂集雙鬢藥裹堆床滿生意垂欲盡時  
聞雀翻更鄉中有栖雀  
夜鳴為翻更頻看燈落燼平生學六經白首

頗自信拳拳服仁義念念去驕吝所覲未死間猶有分

寸進

得子虛書言明春可歸

白首相依飽蕨薇吾家父子古來稀  
春秧出水柔桑綠正是農時望汝歸

雜賦

地爐夜熱麻黶煖瓦甬晨烹豆粥香  
不是有心輕富貴從來吾亦愛吾鄉

又

病叟胸中一物無夢遊信脚到華胥  
覺來忽見天窗白

短髮蕭蕭起自梳

又

終日纔堪米一升生涯略似草菴僧  
溼薪不管晨炊晚  
留得松肪代夜燈

又

出門信步作閒遊野廟村坊到處留  
每伴樵夫嘗半舍

更隨牧豎采沿溝

半舍沿溝  
皆果名

又



體不佳時看周易酒痛飲後讀離騷騎驢太華三峯雪  
鼓棹錢塘八月濤

又

昔人莽莽荒丘裏陳迹紛紛朽簡中畢竟是非誰辨得  
舉盃吾欲問虛空

又

百億須彌理固有八九雲夢何足吞天下廣居君識否  
一間茅屋寄孤村

又

夢裏曾作南柯守少時元是東陵侯今朝半醉歸草市  
指點青帘上酒樓

又

七十八十古來稀行年九十固應衰已興工部耳聾歎  
更和文公齒落詩

又

中年畏病盃行淺晚歲修真食禁多謝客杜門殊省事

一盃香飯養天和

又

齊民讓畔不爭桑和氣橫流歲自穰君看三山百家聚  
更無一壠有遺蝗

今年蝗孽獨三山過  
而不下遂不為災

又

得雨郊原已徧畊東家西舍多逢迎前山雲起樹無影  
別浦潮生船有聲

散懷

小疾便幽翳孤懷抱鬱陶遺文誦史漢奇思探莊騷談  
笑寬吟苦經行慰作勞東岡聊一往突兀古臺高

書壁

稻草高茨屋繩樞窄作門漁樵皆結友鄰曲自通婚留  
客秋茶苦醺人社酒渾餘年尚有歎一飯亦君恩

又

故里還初服明恩念老農方蒙鏡湖賜又忝渭川封炊  
粟猶支日藏蔬可御冬霜天病益減高枕聽隣鐘

冬日坐中即事

讀書雖所樂置之固亦佳  
燒香袖手坐自足紓幽懷  
我生本從人豈願終不諧  
其如定命何生死一節坐

又

一帚常在傍有暇即埽地  
既省課童奴亦以平血氣  
按摩與導引雖善亦多事  
不如埽地法延年直差易

又

夙興人尚默衆鳥相語言  
小語豈不可何至爾啾喧  
吾

獨擁燎爐宿火有餘溫澹然以自適喧寂何足論

又

詰朝澹無營百事付童子拂我架上書注我硯中水覓  
睡不復成取衣乃徐起卒歲如一朝底處著愠喜

又

我老苦索寥誰與娛晨暮狸奴共茵席鹿麋隨杖屨歲  
薄食無餘恨使鳥雀去安得粟滿囷作粥餽行路

又

東園二畝地重重作藩籬我豈婦女哉避客門不窺要  
當盡徹去來往無它歧飯罷忌久坐時須曳筇枝

冬日排悶

老欲躬畊力弗強但應賣藥似韓康陳編時見古成敗  
舊友不知今在亡已返山林遺世事尚憑詩酒荅年光  
此身自笑如稊米加損寧能繫太倉

又

地爐微火伴寒灰垂野江雲暝不開欲睡手中書自墮

半酣窗外雪初來，渡頭照影聞征雁。  
籬角吹香得早梅，佛粥春盤俱不遠。  
離離斗柄欲東回。

法雲寺

主僧妙湛方  
作鐘樓未成

勾踐舊國古會稽，南山擁郭分東西。  
城門大路引繩直，西走百里皆平堤。  
客行欲曉到梅市，喔喔尚聽城中雞。  
法雲古寺臨大澤，風皺百頃青玻璃。  
迎來送往此其地，素壁時見前人題。  
乖離會合浩莫計，歷觀名氏空含悽。  
山僧慣見為客歎，榮悴從來如夜旦。  
明年吾樓插天半。



世事君須倚闌看

自法雲歸

落日疎林數點鴉  
青山闕處是吾家  
歸來何事添幽致  
小竈燈前自煮茶

枯菊

龍山落帽未多時  
陳迹依然使我悲  
粲粲菊花何似好  
堦前惟見束枯枝

聞吳中米價甚貴二十韻

千錢得斗米一斛當萬錢嗟汝蚩蚩民何恃以自全我  
欲告父老食為汝之天勿結迎神社勿飾杭湖船築室  
勿斲削但取垣屋堅婦女省釵澤野粧何用妍趨利常  
處薄衆役常在前歲時相勞苦盛饌一豚肩近市可致  
酒雖薄亦醺然切勿慕公卿早朝妨熟眠亦勿謀高貲  
貪吏不汝憐有負固吹毛無罪亦株連豈暇論曲直挺  
繫如登僊短褐與飯豆溫飽可終年草廬挂葦箔乃可  
數世傳朱門雖赫赫變化如飛煙為農最得策本無祿

與權時平自逸樂奉牲祭其先不幸有散徒均為寓民  
編吾詩不足徵請讀七月篇

寒夜偶懷壯遊書感

疇昔西遊萬里還狂吟散落滿人間買空綠水橋邊酒  
看徧青城縣裏山梅蕊踈踈春欲動川雲漠漠雪猶慳  
偶思五十年來事顧影燈前自笑頑

夢曾文清公

有道真為萬物宗巉然使我歎猶龍晨雞底事驚殘夢

一夕清談恨未終

睡覺

白日悠悠喜意平  
夢中歷歷覺魂清  
覺時不落晨雞後  
靜待天窗一點明

湖邊小聚

小聚遠塵罨淳風  
獨未澆鳴機燈煜煜  
飲犢雨蕭蕭異  
味常交致新醪亦苦  
邀人間交道絕令我慕漁樵

雨

秋冬久不雨氣濁喜雲生  
麥壟崇朝潤茆檐徹夜聲  
初來斷幽徑漸密雜疎更  
賴有牆陰薺離離已可烹

又

薄晚初沾灑清晨更慘悽  
魚寒拋餌去鴉溼就簷栖  
幽澗濺濺溜長隄淺淺泥  
一盃持自賀吾事在鋤犁

雨後快晴步至湖塘

齒豁從教道字訛負薪陌上且行歌  
古人亦自逢時少  
吾輩何疑忤俗多  
山埽黛痕如尚溼  
湖開鏡面似新磨

亦知大有掀髯處無奈西流白日何

兩日寒雨作雪不成夜忽大雨遂晴

折木翻濤一夜風浮雲吹盡日行空天公豈是真慳雪  
三白留來付臘中

歲窮

困阨身如寄推遷歲忽窮百年均昨夢萬古一飛鴻夜  
甕鳴春酒晨畦擷晚菘屬饜童子笑便腹負吾翁

凍坐

湖海淒涼地風霜慘淡天  
吾其去道近無酒亦陶然

古意

千金募戰士萬里築長城  
何時青塚月却照漢家營

又

夜泊武昌城江流千丈清  
寧為雁奴死不作鶴媒生

雪意復作

前日作雪風敗之今日濃  
雲雪復作一寒未暇自為計  
宿麥懸知天已諾灞橋策  
驢愁露手新豐買酒聊輒脚

曾中正著九雲夢廊廟何加一丘壑上書陳事固可笑  
服藥求仙亦成錯不如醉踏一劍騰風雲跨海東謁青  
童君

醉書

天公賦與五湖秋風月雲煙處處留損食一年猶可健  
無詩三日却堪憂



劍南詩稿卷七十九


謹案卷七十八第二十二頁後三行深院蕭條作  
小寒按宋詩鈔院作巷

卷七十九第二十頁前二行離離斗柄欲東回刊  
本離離訛籬籬據宋詩鈔改

第二十頁後七行堦前惟見東枯枝刊本枯枝訛  
枝枯據宋詩鈔改

第二十三頁後五行不作鶴媒生刊本媒訛謀據  
唐宋詩醇改





總校官庶吉士臣張能照

校對官編修臣裴謙

謄錄監生臣劉銓英

欽定四庫全書薈要

集部

劍南詩藁卷

八十一

詳校官助教臣謝登雋



欽定四庫全書薈要卷一萬五千五百七十

集部

劔南詩藁卷八十

宋 陸游 撰

排悶

造物冥冥中與我無一面不知獲罪由動輒被訶譴又  
若哀其愚救以藥瞑眩我亦揣此心安受不敢怨中間  
戍蜀漢十載困郵傳騎塏蒙隴千陣雲暗秦甸齋糧雜  
沙塲掬水以三嚙傳烽東駱谷倏忽若流電歸吳獲小

休餘喘僅一綫意言在故鄉終勝客異縣夫何命大謬  
魔事每交戰友讐同一波平地肆蹈踐么然性命微日  
畏讒口煽舊書不暇視鼠跡上几硯負痾不即死遂作  
諸老殿却觀所更歷殆是金百鍊人誰不愛身悔作青  
紫檀短筇入空翠小艇破江練漁歌隔浦聞績火傍林  
見苦貧雖至骨未肯受客唁君看投林猿終異巢幙燕  
有山皆可耕焉往失貧賤

湖上尋梅

鏡湖渺渺煙波白不與人間通地脉騎龍古仙絕火食  
慣住空山齧冰雪東皇高之置度外正似人中巢許輩  
萬木僵死我獨存本來長生非返魂

又

小雪湖上尋梅時短帽亂插皆繁枝路人看者竊相語  
此老胸中常有詩歸來青燈耿窗扉心鏡忽入造化機  
墨池水淺筆鋒燥笑拂吳箋作飛草

作雪寒甚有賦



雲暝風號得我驚  
硯池轉盼已生冰  
窗間頓失疎梅影  
枕上空聞斷雁聲  
公子皂貂方痛飲  
農家黃犢正深耕  
老人別有超然處  
一首清詩信筆成

書嬾

我性本迂疎  
養生又無術  
憂患自外至  
疾病由中出  
屏居絕造請  
冀補東隅失  
今觀世間事  
如僧視沐櫛  
閒身嶺上雲  
睡味蜂房蜜  
惟思茅簷下  
一席卧朝日

讀唐人愁詩戲作

少時喚愁作底物老境方知世有愁忘盡世間愁故在  
和身忘却始應休

又

清愁自是詩中料向使無愁可得詩不屬僧窗孤宿夜  
即還山驛旅遊時

又

天恐文人未盡才常教零落在蒿萊不為千載離騷計  
屈子何由澤畔來

又

我輩情鍾不自由等閒白却九分頭此懷豈獨騷人事  
三百篇中半是愁

又

飛雪安能住酒中閒愁見酒亦消融山家有力參天地  
不放清尊一日空

讀書至夜分感歎有賦

老人世間百念衰惟好古書心未移斷碑殘刻亦在櫝

時時取玩忘朝飢推尋點畫到曲折想見落筆縱橫時  
豈惟鸞鳳九霄上景鍾大鼎森陸離雖然欲學則曷敢  
駑馬仰看驂騑馳正如志士才不稱心慕伊傅終何施  
爾來亦復強點染手不隨意徒嗟咨懸知明日天將雨  
中夜雲蒸紫玉池

擁爐

急雨狂風算不收燎爐薪暝復何憂如傾瀨灑鵝黃酒  
似擁蒙茸狐白裘大澤羈鴻來萬里高城傳漏過三籌

明朝會看稽山雪莫為衝寒怯上樓

隱趣

歸老家山一幅巾俗間那可與知聞舉盃每屬江頭月  
贈客時緘谷口雲行采菖蒲綠蘚磴卧浮舴艋入鷗羣  
力營隱趣君無怪作得閒人要十分

冬夜舟中作

夜榜孤舟掠岸行村墟頻過不知名繞枝倦鵲寒無影  
脫網奔魚遠有聲兩紙忽驚殘歷盡一盃聊慰旅懷情

還家自笑身猶健又付生涯與短檠

湖山

逐鹿心雖壯乘驩勢已窮終全蓋世氣絕意走江東

項羽

廟

又

湖上多甘井磴泉尤得名何時枕白石靜聽轆轤聲

山磴

泉

又

山崦桑麻路柴門鳥雀聲老巫祈社雨小婦餉春畊

山容

又

坡陁度小嶺軒豁見平湖但醉梅花下民家酒可沽

花徑

小嶺

又

淺井供茶竈分流浣布沙此泉吾所愛百用給山家

項里

民家  
淺井

又

故堞無遺跡蕭然數十家茶煙映山起酒旆傍隄斜

古城

又

汀月生眉黛溪梅試額粧幽閨元不出莫道嫁彭郎

柳姑

廟

又

城邊小市聚煙水淡秋容南走蘭亭路迢迢雲外鐘

東跨

湖橋

又



東西二十里相望兩平橋傍水多投釣穿雲有負樵

西跨

湖橋

### 齒髮

算境侵尋歲月道齒搖髮脫又經秋此身要是歸衰謝  
外物何須更固留早白從來憎了了登臨且復送悠悠  
嗣宗痛飲圖南睡萬事輸君此一籌

古謂不如意事十常八九雖出于好功名者之言  
閒中亦未免此歎戲作七字一首

歸志初諧老遽催良辰常與病俱來酒雖已熟恨無菊  
雪苦不成空見梅明舊乖離心每折山川悠邈首頻回  
人生敗意無窮達莫厭相逢笑口開

幽居歲暮

冉冉忘年往紛紛厭事來庭除多草莽几硯亦塵埃園  
為畦蔬到門因汲水開偶聞林鳥語太息又春回

又

却醫翻少疾辭祿不加貧嘉木移俱活村醪釀輒醇悠

卷八十  
悠還過日盎盎又逢春狂舞君母笑梅花插滿巾

又

老去轉無事室空惟一床卧時幽鳥語行處野花香巷  
北觀神社村東看戲場誰知屏居意不獨為畊桑

又

燃薪代秉燭煮茗當傳盃但恨朋儕少那知日月催衣  
裳任穿穴芋粟且燔煨不為殘年迫吾心久矣灰

又

古井年年浚荒疇日日犁刈茅苦鹿屋插棘護雞栖閒  
賴書遮眼愁須酒到齊斜陽有常課緩步上湖隄

過湖上僧庵

西庵每過未嘗開邂逅清言始此回陶令巾車尋壑去  
已公茅屋賦詩來奇香炷罷雲生岫瑞茗分成乳泛盃  
便恐從今往還熟入門猿鳥不驚猜

夜坐戲作短歌

畏事如畏虎避人如避寇結廬三家村百事喜寒陋身

閒自為貴飯足豈非富素心憎狐妖老愈惡銅臭視之  
若寒氣可使客膚媵即今知免矣終歲塞門竇始知松  
倒壑殊勝雲出岫聊持不動心夏養未盡壽夜讀南華  
篇欣然發吾覆

書歎

世事紛紜汝所知欣然領畧尚何疑窮居自是長年術  
魔境常為定力資人但與遊無德怨酒皆可醉略醇醅  
蘭亭賓主今何在脩竹依然似曩時

又

尺椽不改結茅初，薄粥猶囁卒歲儲。  
獨子解迎門外客，狸奴知護案間書。  
深林閒數新添筍，小沼時觀舊放魚。  
自笑從來徒步慣，歸休枉道是懸車。

日暮自湖上歸

我生本亦與人同，緣薄才疎剩得窮。  
細水自鳴沙渚外，亂山時出雪雲中。  
僧歸獨趁殘鐘去，人散遙憐晚渡空。  
造物陳詩信奇絕，忽忽摹寫不能工。

晚步湖隄

絕裘桐帽野人裝  
又上湖隄步夕陽  
貧甚不為明日計  
興來猶作少年狂  
殘樽倒酒無餘瀝  
幽圃尋梅認暗香  
時有行人歎頑健  
黑絲點破頷間霜

夜寒

江雲作雪暗郊原  
竟夜風聲萬馬奔  
槁面暫未知酒醞  
曲身成直賴爐溫  
幼輿正復宜巖石  
倚相猶能讀典墳  
米貴僅供糜粥用  
自傷無力濟元元

感舊

早參太史筆晚典石渠書  
孤立如羈雁微生等蠹魚  
虛名真忝竊定理有察除  
九十稽山下荒畦日荷鋤

小雪

夜卧風號野晨興雪擁籬  
未言能壓瘴要是欲催詩  
跨蹇雖堪喜呼舟似更奇  
元知剡溪路不減灞橋時

十二月十日算小雪即止

夜來急雪打船窗  
今夜推窗月滿江  
堪恨無情一枝艣



水禽驚起不成雙

又

夜來一雪苦怱怱千里濃雲忽掃空  
換得月明良不惡未須過計慮蝗蟲

遣興

翳翳魚鹽市迢迢桑麥村  
山家薪炭足野叟袴襦溫  
且免殘蕪盡義魚積水渾  
詩書老無效猶擬付兒孫

貧居時一肉食爾戲作

身老便居僻山寒喜屋低時猶賴僧米那惜貸鄰醯湯  
餅挑春齋盤殮設凍壘怪來食指動異味得豚蹄

臘月十四日雨

歲晚深居嬾出遊小窗終日寄悠悠雨聲到枕助詩律  
花氣襲衣生客愁殘齒不堪添臃瘦肩轉復覺颯颯  
春前一雪猶關念安得瓊瑤積瓦溝

節物

節物猶關老病身鄉儺佛粥一年新檐間百舌還多事

探借園林十日春

讀書

力不扶微學心猶守舊聞壁間科斗字秦火豈能焚

春近

歷授人時後天回斗柄初農疇興耒耜家塾盛詩書縹緲雙鳧鳥咿啞一鹿車山翁喜春近隨處狎樵漁

讀陶詩

陶謝文章造化侔篇成能無鬼神愁君看夏木扶疎句

還許詩家更道不

夜雨寒甚

萬籟號風如戰鼓雪意垂垂先作雨庭中栖鳥驚屢起  
窗下殘燈翳還吐老翁聳膊高過頂童子觸屏低不語  
時聞鄰舍起飯牛亦有歸樵說逢虎去年雪薄蝗害稼  
今年望雪如望赦行當三白兆豐年牲酒如山作秋社

寄趙昌甫

杳杳雙鵲鳴庭除東陽吏傳昌甫書紙窮乃復得傑作

字字如刮造化爐爾來此道苦寂寞千里一士如隣居  
小兒得祿在傍邑我貧初辦一鹿車過門剝啄亦奇事  
拜起幸未須人扶君看幼安氣如虎一病遽已歸荒墟  
吾曹雖健固難恃相覓寧待折簡呼餘寒更祝勤自愛  
時寄新詩來起予

稽山雪

為隱者作

高人采藥來禹穴骨瘦巉然鬢蒼白結茅分得野鹿場  
一夜北風三尺雪明朝過午勢愈惡虎兇交迹人聲絕

虛窗縱橫鼓竹入幽磴荒寂孤松折凍吟孰窺袁安戶  
僵卧禿盡蘇武節人生飢寒固亦有養氣不動真豪傑  
希名後世吾所耻姓字寧與身俱滅班馬復生無自書  
我作此歌空激烈

招鄰父啜菜羹

老境遺人事窮居砭世育茅簷聽雲滴瓦鼎爇松肪不  
願封侯印惟求煮菜方盃羹須及熟剗欲喚君嘗

讀論語

壯歲貪求未見書歸常充棟出連車晚窺闕里親傳妙  
數簡方知已有餘

晨起

殘夢悠颺不復成愴然已有百禽鳴山童來報溪流長  
幽事從今日日生

雪後

雪消已斷虛簷溜日暝初催百草生射的山前春水綠  
笙歌又滿會稽城

示福孫并示喜曾

北商久不通梨棗罕登盤  
山舍惟有橘瑣細如彈丸  
此外則柿栗收拾猿鳥殘  
雖無龐翁話兒孫亦團  
樂今歲雨雪晚歲算始太  
寒二稚乃可憐不訴衣襦  
單地爐有微火誦書到更  
闌我老多感慨賴汝差自  
寬

微疾

微疾經旬近藥囊往來巷陌未全妨  
時時小雨知春近處處閒身覺日長  
林外鼓歌聞賽廟懷中茶餅議租桑



金匱要略卷八十一  
兩京梅發今何似送老流年只自傷

簡僧求秦望山柱杖

老病龍鍾不自持飽知藤杖可扶衰  
明朝欲入天台去  
試就高人乞一枝

遊山步

蹇驢渺渺過雲邊旋了三生物外緣  
平日視家真逆旅  
此行出戶若登仙飢從野店烹葵飯  
困就僧床借枕眠  
所恨算年交舊盡佳時無與共聯翩

又

南出平橋十里餘湖山處處可成圖水邊更覺梅花瘦  
雲外誰憐雁影孤時喚行僧同煮茗亦逢樵叟問迷途  
破裘不怕春寒峭小市疎燈有酒爐

雪晴欲出而路澗未通戲作

欲覓溪頭路春泥不可行歸來小窗下袖手看新晴

又

雪消重作雨水釋又成泥已敗筇枝興高眠聽午雞

春日

冷餅細生菜老翁殊未衰仍尋舊旂勝一笑伴諸兒

示兒輩

窮居懷抱久無懽猶賴吾兒得少寬  
謹視雞豚供老疾力營薪炭備春寒  
舊書綴緝編無絕小甕調停味不酸  
坐使乃翁無一事高眠常到日三竿

雪後煎茶

雪液清甘漲井泉自攜茶竈就烹煎  
一毫無復關心事

不枉人間住百年

夢中作

久向人間隱姓名看花幾到武昌城一壺春色常供醉  
萬里煙波嬾問程斜日挂帆堤外影便風擊鼓驛前聲  
丈夫入手皆勛業廊廟江湖未易評

破屋歎

我年四十時築舍受一廛歲月不貸人殆將五十年初  
非榱桷材既久理豈全慘淡窘風雨亦復補破穿竹椽

與繩樞豈敢求牢堅今朝忽自顧衰疾方沉緜不知此  
殘軀與屋誰先顛粥藥幸粗給兒稚滿目前歛藏雖甚  
薄猶勝死道邊一笑推枕起無酒亦陶然

戊辰歲除前五日作新歲八十有五矣

灰深火可宿炷小燈耐久長流故不腐易成必速朽我  
昔遊青城聞道巢居叟躬行雖不力年少過九九固知  
適天幸自養亦差厚傳家六兒子其四今皓首寧聞澗

底松鬱鬱慕蒲柳

大兒新年六十二仲  
子六十季亦近六十

晨起復睡

衰翁卯飲易上面澤國春寒偏著人下榻一盃還就枕  
不嫌鼾睡聒比隣

梅

三十三年舉眼非錦江樂事祇成悲溪頭忽見梅花發  
恰是青羊宮裏時

又

俗事常妨把一盃等閒開過小園梅自傷惟有尋春夢

百舌無情又喚回

小疾治藥偶書

禦戎虛上策治疾闕全功  
安得如神禹常行無事中

又

揠苗農害稼過劑藥傷人  
此理君能造無為萬物春

子適讀書常至夜分作此示之

我為無才老把鉏汝窮亦復坐  
迂踈夜燈詠史蟲吟草  
朝几陳書獺祭魚未至苦飢  
依馬磨不妨相守卧蝸廬

業成自有能知賞家世從來典石渠

先太傅先楚公皆久在三館予亦入

館二十年晚  
忝大蓬之命

### 歲算作

魚貫長條兔卧盤往來聊續里閭歡舊符又擬新年換  
殘歷都無半紙看梅影橫斜春尚淺角聲悲壯夜將闌  
堅頑敢望今如許戲說期頤強自寬

### 除夕

熾炭爐中百藥香屠蘇煎酒代椒觴明朝賴是無來客



雪後泥深一尺強

己巳元日

曾孫新長奉椒觴  
兒女冠笄各綴行  
身作太翁垂九十  
醉來堪喜亦堪傷

初春

裝罷桃符又剪燈  
新年光景捷飛騰  
老翁掃盡兒童事  
却學禪床入定僧

新年書感

早歲西游賦子虛，算年負耒返鄉閭。殘軀未死敢忘國，  
病眼欲盲猶愛書。朋舊何勞記車笠，子孫幸不廢畝  
新年冷落如常日，白髮蕭蕭悶自梳。

開歲連日大雪

開歲大雪如飛鷗，轉眄已見平簷溝。村深出門風裂面，  
況復取醉湖邊樓。從來春雪不耐久，卧聽點滴無時休。  
去年久旱縣千里，犁不入土蝗蟲稠。今年冬春足膏澤，  
天意似欲滋農疇。豈惟養豬大作社，夏賣寶劍添畊牛。

飲酒

我酒本小戶痛飲乃有時意氣不相值終日持空卮醉  
或能齋莊不醉或狂逸乃知老子狂非自麴蘖出今日  
雪始晴行歌官道傍超然醒醉間非莊亦非狂

詩酒

我生寓詩酒本以全吾真酒既工作病詩亦能窮人每  
欲兩忘之永為畊樵民周旋日已久棄去終無因齒髮  
益衰謝肝膽猶輪囷吟哦撼四壁鬼顏烏巾江上處

處好風月年年新正爾豈不樂浩歌終此身

人日雪

己巳元日至人日雨雪間作

病卧江村不厭深貂裘無奈曉寒侵非賢那畏蛇年至  
多難却愁人日陰媯媯孤雲生翠壁霏霏急雪灑青林  
一盃飯罷無餘事坐看生臺下凍禽

春寒

滔天來洚水震瓦戰昆陽此敵猶能禦春寒不可當

又

高樓墜綠珠惡客醉珊瑚未抵春寒夜貧翁喪故孺  
雨雪久無來客亦不能出作長句排悶

造物無情豈我私從來不使墮危機青雲路近常排去  
白浪堆高亦脫歸殘橐尚存空自許故人略盡欲誰依  
新春雪暗山村路且復焚香獨掩扉

書耄

我老耄已及終日惟冥行鄰里少間闊便若昧平生家  
人每過前亦或忘其名昏昏等作夢兀兀如病醒不知

張睢陽何以記一城愚知各自適得失未易評

初春遣興

閒愁長與病相依晨起梳頭感髮稀春事昂來風更惡  
晨光已滿雪猶飛江梅有恨論年別旅雁無情計日歸  
剗欲湖邊踏青去憑誰為解亂書圍

讀書

少從師友講唐虞白首襟懷不少舒舊謂皆當付之酒  
今知莫若信吾書朱黃參錯雞鳴後籤帙從橫月墮初

撫几欣然時有得此翁作計未全疎

雜興

灰中火如螢燎原從此始元氣一點存危疾亦不死

又

炷香火要深作墨手當緩淺士務成速所以多後患

又

庖丁悟養生輪扁議讀書彼特一技爾聖智有不如

又

鏗爾捨瑟作曝然放杖笑浩浩太古音與俗不同調

後雜興

臘雪瑞我麥春雨嘉我穀老農無他求一飽萬事足

又

日上明我窗月出縞我庭朝算得嘉時一榼醉復醒

又

會合惜日短別離愁夜長人老愛吾廬客歸悲故鄉

又



俚醫刀七藥老巫半榼酒拜況不敢忘淡薄最耐久

自詠

道本治吾身緒餘方及人神清緣食少事簡為家貧薄  
酒如重醞寒蔬抵八珍村村花柳動且復岸綸巾

又

謝事客誰過閒遊吏不訶家人爭稗粥鄰叟和畬歌靜  
夜詩成崇新春睡有魔年光本無盡未用歎蹉跎

晚窗

一塢梅花已盡空  
數瓴春雪未全融  
晚窗忽有題詩興  
落筆縱橫半醉中

劔南詩彙卷八十

欽定四庫全書蒼雪要卷一萬五千五百七十一

集部

劍南詩彙卷八十一

宋 陸游 撰

遠遊二十韻

早歲志遠遊萬里攜孤劍所至必吊古如疾得鍼砭荒  
寒過吳宮摧剝觀禹窆及仕揚潤間挂席度天塹梁宋  
不可遊北望每懷歎會有蜀漢役奇嶮日窺覘築壇訪  
遺址燒棧想烈焰轅門俯清渭徹底綠可染舊史所登

載一一嘗攷驗胡羊美無敵黍酒實醇釀枕戈南山下  
馳獵久不厭比參劔南幕壯志就收斂卜鄰揚雄宅遂  
欲老鉛槧但愛古柏青肯顧海棠豔人生不易料白首  
東歸剡稽山秋莪莪鏡水春湫湫餘俸買扁舟月下采  
菱芡湖山最奇處容我釣石占婚嫁幸已畢百事不關  
念但當勤醉歌一死不汝欠

對酒

社醅又借醉顏酡手挽鄰翁作浩歌江月偏能照蓬戶

京塵終不汙漁蓑苦吟且復歌吾帽對奕真當爛汝柯  
回首紛紛俱夢耳人間何處有天魔

夜雨

正看飛雪暗江天不覺新春已粲然花氣襲人娛獨夜  
雨聲遶舍送豐年樵風未改山川舊禊事空悲歲月遷  
一榼可營身尚健故應先治下湖船

己巳正月十八九間雪復大作不止

早衰常畏雪況復在江干三日不能出數年無此寒捲

簾驚澗漾下榻覺蹒跚稚子應憐我孤吟興未闌

寄子虛

汝官南壽春我居東會稽足馬護秋塞兩犢翻春泥淮  
天沙雁過江村雪雲低書來動半年相望常愴悽父子  
不共畊此悔真噬臍明年城西社爛醉相扶攜

書夢

我夢舉有司雞唱起裹飯又夢起早朝漏舍坐待旦既  
寤兩無有撫枕徒浩歎今雖去為農飯牛亦夜半何曾

得放慵美睡到日旰一笑俱置之浮生固多難

示子通

家貧不學儉物理有固然要是善用短足以終其年我  
家稽山下稟賦良奇偏敢言中人產日或無炊煙有兒  
更耐窮伴翁理遺編短檠幸能繼竟夜可忘眠

對食有感

盃酌以助氣七筋以充腹沾醉與屬饜其害等嗜慾歡  
醜有餘歡食淡百味足養生所甚惡旨酒及大肉老翁



雖無能更事嗟已熟勿嘆茆三間養汝山林福

又

我老雖無家其實如客耳食至舉匕箸飽則捨而起厨  
人有勤惰我豈形慍喜園畦摘青蔬地碓舂赤米勞人  
固已多坐享顙常泚作詩本自規亦以告閭里

雪夜

荒郊貿貿行斷壟佻佻畊常情所藉躡豈復懷不平歸  
來卧破屋中惟一牀橫且燒生柴火靜聽溼雪聲

又

今年春苦寒風雪塞戶牖況我窮閭士袴敝衣見肘正  
須小忍之此事豈得久努力辦一壺西村看花柳

又

瓦疎雪墮簷窗破風吹燭短裘不及扞手脚盡皸瘃猶  
勝南鄰叟一褐竟未贖薄酒城中來清夜聊相屬

初春

柳拂朱橋湖水生園林處處聽新鶯亦知人世當行樂

無奈春陰不肯晴走馬章臺身縱老看花杜曲眼猶明  
只應詩思年來減預怯同遊議罰觥

春日雜興

方塘盎盎帶泥渾遠草青青沒燒痕只道雨晴春晝永  
歸時不覺已黃昏

又

南村北村鼓鼕鼕剗羊刺豕祭潭龍一生衣食財取足  
百世何妨常作農

又

小甌有米可續炊  
紙鳶竹馬看兒嬉  
但得官清吏不橫  
即是村中歌舞時

又

夜夜燃薪煥絮衾  
禺中一飯直千金  
身為野老已無責  
路有流民終動心

聞有流移  
人到城中

又

出仕常騎秃尾驢  
歸休自駕折轅車  
今朝偶遇村夫子

借得齊民一卷書

又

更事多來見物情  
世間常恨太忙生  
花開欸欸寧為晚  
日出遲遲却是晴

又

一枝筇杖一山童  
買酒行歌小市中  
莫笑摧頽今至此  
當年萬里看春風

又

四十餘年學養生誰知所得亦平平  
體孱不犯寒時出路溼常尋乾處行

又

攪睡禽聲曉傍簷  
泥人花氣午穿簾  
懽情老去年年薄  
困思春來日日添

又

陰晴不定春猶淺  
困健相兼病未蘇  
見說市樓新酒美  
杖頭今日一錢無

又

乍晴乍雨忽經旬  
半醉半醒還過春  
春卧不知菴外事  
閒迎聊適夢中身

又

行人陌上思悠悠  
十里斜陽古渡頭  
一片落花無覓處  
只教芳草管閒愁

小霽燕竹輿至柳姑廟而歸

殘雲斷處漏斜陽  
草滿平隄柳著行  
颭颭画船來北港

翻翻青繖度南塘行人相賀新年健逃戶雖窮舊業荒  
感物興懷空絕嘆才衰無語付詩囊

春曉

初見天窗一點明旋看曉色到簷楹衾裯溫煖留殘夢  
鳥雀呼鳴報快晴雖喜心隨年愈老却愁事與日俱生  
平川漫漫煙蕪綠筋力猶堪給耦畊

肩輿歷湖桑堰東西過陳灣至陳讓堰小市抵葺  
乃歸



堤遠沙平草色勻  
新晴喜得自由身  
芋羹豆飯家家樂  
桑眼榆條物物春  
野店茶香迎倦客  
市街犬熟傍行人  
牆頭婦女更相語  
認到先生折角巾

又

貪看西南一面山  
不知信步到陳灣  
未言散釋經旬病  
且要消磨半日閒  
蔬壠過寒常鬱鬱  
鳥聲迎暝已關關  
斜陽不為行人駐  
十里鐘來翠靄間

書適

疇昔花前醉放顛即今不飲亦陶然太平固自多遺老  
獨往何妨是斥仙扶杖每觀南畝饁解衣時作北窗眠  
人間賢俊方雲集我遇龍蛇豈厄年

陳讓堰市中遇吳氏老自言七十六歲與語久之  
及歸送予過市猶戀戀不忍去

就店煮茶古堰邊偶逢父老便忘年嗟予空忝十年長  
聞道慙無一日先壯子當門能碌碌諸孫承業亦翩翩  
孰思遊宦終何得悔不從公曝背眠

午炊

江路初晴日煙蕪古廢城青鍼秧稻出黑螳稚蚕生山  
際牛羊路林間雞犬聲午炊聊小憩野老解逢迎

古風

犧象薦清廟餘材棄溝中二者雖甚遠殘生其實同人  
當貴其身豈復論窮通寧為原上草一寸搖春風

又

木生雖拱把鮮不困斧斤枯朽亦可全又以鄰故焚嘉

禾終銍艾豈獨草見耘此理講已熟要當尊所聞

肩輿至石堰村

偶上籃輿踏夕陽醉魂困思兩悵悵澗薪旋拾供茶竈  
詩藁初成寄藥囊村舍藝麻驅烏雀牧童隨草放牛羊  
歸來徒倚衡門久始覺中春已日長

睡起遣懷

百事不能能荷鋤不鋤菜畦鋤芋區身存那用十年相  
陂壞且為凶歲儲百事不學學作詩不作白紵作竹枝

黃陵廟前風浪惡，青衣渡口行人悲。  
老病閉門常憤憤，芋不復鋤詩亦廢。  
客來剝啄喚不應，一味人間占閒退。  
今朝一日三倒床，歎息春晝如年長。  
摩挲困睫喜湯熟，小瓶自拆山茶香。

春晴

柳未吹絲筍未抽，春郊風日正清柔。  
疎疎簾影供高卧，裊裊輿竿懶出遊。  
無客共謀良夜醉，有花空動故年愁。  
雲生祇恐還成雨，自向園頭聽鷓鴣。

書感

鴨子陂頭看水生蜂兒園裏按歌聲天公用意誰能測  
未許吾曹醉太平

野興

莽莽寬野間悠悠曠達身氣從林下吐言向醉中真社  
櫟元當壽江鷗豈易馴興來無遠近隨處岸綸巾

野步

堤上淡黃柳水中花白鵝詩情隨處有此地得偏多

又

水生已抹堤草長復侵路小蝶仍可憐欲下却飛去

稽山

我識康廬面亦撫終南背平生愛山心於此可無悔晚  
歸古會稽開門與山對奇峯縮髻髮橫嶺掃眉黛豈亦  
念孤愁一日變萬態風月娛朝夕雲煙閱明晦一洗故  
鄉悲更益吾廬愛東偏得山多寢食鮮不在寧無度世  
人談笑見英槩御風倘可留為我傾玉瀝

緋桃開小酌

我廬城南村家無十金產種花雖歷歲名品終有限頗  
欲及暇時著譜書之簡今朝緋桃開歡喜洗酒琖鄰翁  
亦喜事為我一笑莞但恨首宿盤蔬薄欠佳饌往來見  
已熟勸揖忘媿赧一事粗可言似具識花眼

夜中獨步

春半寒初退更闌睡不成寒裳偶獨起曳履得徐行月  
上烏未宿水深鼃亂鳴踟躕忽已久殘漏下高城



春寒復作

春寒已解忽復作病思不堪當語誰青燈熒熒耿欲滅  
殘雨滴滴休無期故人已死夢中見壯志未忘心自知  
青絲玉井聲軋軋又是窗白鴉鳴時

大雨排悶

地潤礎流水氣蒸人脫裘前知暴雨至孰解老農憂

又

三日斷行路束薪無處求床頭周易在且復送悠悠

室中屏去長物戲作

久從昭代乞殘骸  
荷鍤隨行偶未薶  
四壁盡空君勿怪  
纔留一物即關懷

對酒

酒非攻愁具本賴  
以適意如接名勝遊  
所挹在風味庸  
子墮世紛但欲蘄  
一醉麴生絕俗人  
笑汝非真契

曝舊画

故篋開緘一愴情  
斷縑殘幅尚知名  
翩翩戲鵲如相語

淘淘驚濤覺有聲柳暗正當煙未斂花穠仍值雨初晴  
百年手澤存無幾蟲蠹塵侵祗涕橫

予以淳熙戊戌歲自蜀歸時年五十四今三十有  
二年矣猶復強健得小詩自賀

入玉門關到酒泉昔人想望若登天豈知萬里西征客  
歸卧家山三十年

花下小酌

柳色初深燕子回猩紅千點海棠開  
鱖魚莼菜隨宜具

也是花前一醉來

又

雲開太華插遙空我是山中採藥翁  
何日胡塵埽除盡  
軟溪道上醉春風

夜酌

我有一瓢酒與君今夕同鳴簷社公  
雨捲野沛歌風閱  
世花開落觀身切壞空北邙丘壠盡  
太息幾英雄

數日不作詩

吾詩鬱不發孤寂奈愁何  
偶爾得一語快如疏九河  
黃流舞浩蕩白雨助滂沱  
門外無來客花前自浩歌

幽居示客

嗜睡疎茶盃逢春愛麴車  
聊將枕流耳靜聽屬私蛙  
林下閒成癖人間嬾莫加  
孫登欲長嘯四座且無譁

又

齒髮雖俱弊神明尚有餘  
幽扉鍊奇藥細字錄仙書  
野水鳴苔徑長松蔭草廬  
客來多謝病深媿問何如

春日登小臺西望

九十衰翁身尚健，流年過眼如奔電。憶昔初來對行在，  
衫鬢青青接英彥。中間亦嘗走梁益，萬里憑高望鄉縣。  
散關驛近柳迎馬，駱谷雪深風裂面。東歸却尋書生事，  
誤長諸儒集賢院。乞身七年罪未除，君恩尚許寬嚴譴。  
痴頑亦復病不死，春到故園家釀美。雨餘草長四野青，  
日落煙生半山紫。

醉賦

我疾多自愈初非遇奇方我生固多難欲慮忽已忘頽  
然亂書中不知歲月忙有時或得意炙冷不暇嘗乃今  
又大悟萬事付一觴書中友王績堂上祠杜康

即事

我本區中士偶來湖上居時尋一枕夢閒展數行書得  
醉常歡甚無炊亦晏如今朝好天氣一笑命柴車

落花

山杏溪桃次第開狂風正用此時來未妨老子凭欄興

滿地殘紅點綠苔

春日

春來日日困春醒，徂歲如馳得我驚。  
山寺餽茶知穀雨，人家插柳記清明。  
登階勃窣晨雞老，侵路縱橫野草生。  
堪歎筋骸猶健在，強隨丁壯事深耕。

戲詠園中春草

離離幽草自成叢，過眼兒童采擷空。  
不知馬蘭入晨俎，何似燕麥搖春風。



又

童子爭尋鵝鴿飯  
醫翁日曝蝦蟆衣  
欲賡楚客詠殮菊  
却媿周人歌采薇

二月二十四日夜大風異常

天青無雲星錯落  
大風忽自西南作  
壽藤老木不自全  
門外豈容存畧約  
翁媪驚呼兒女泣  
屋瓦飛空吁可愕  
巢傾共閔烏鵲死  
空黑還疑鬼神惡  
南鄰僅有瓜牛廬  
轉眄卷去無遺餘  
腐儒自笑獨耐事  
一燈熒熒猶讀書

雨夜與隣翁飲用前輩韻

老人閱世真悠哉八十已過九十來  
茆檐參差映煙樹蕭條雞犬三家聚  
一樽鄰翁迭賓主醉語豈憂多謬誤  
我作吳歌君起舞夜雨莫辭泥沒屨

雜感

壯遊回首海茫茫默數方驚歲月長  
舊事莫論齊柏寢殘軀方似魯靈光

又

天際晴雲舒復卷庭中風絮去還來人生自在常如此  
何事能妨笑口開

又

射的山前花柳新典衣買酒過殘春但甘身作噲等伍  
莫信人間髯絕倫

又

禍福雖云不可猜人生要豈願為才髑髏正使非王樂  
犧象何疑是木災

讀史

蕭相守關成漢業穆之一死宋班師赫連拓跋非難取  
天意從來未易知

又

顏良文醜知何益無命關張死可傷等是人間號驍將  
太山寧比一毫芒

出遊

社近頻逢雨春深却喜晴  
畬烟傍山起神鼓隔林鳴  
客

駐觀農饁兒歸遺母羹豐年多樂事何以報時平

又

綠樹魚鹽市青蕪雉兔場采桑村女集入學幼童忙戶  
賽祈蠶願家藏問孝章村坊多美酒爛醉當年光

夜興戲作

遙夜寂無譁江城鼓屢過傍牆行蹉跎脫帽髮鬢詩  
和玲瓏韻燈開頃刻花會心有佳處不寐到啼鴉

酒熟書喜

小槽春夜壓春醪天與龜堂慰作勞喜似繫囚聞縱釋  
快如痾瘵得爬搔未陳尊杓心先醉傍晚睨江山氣已豪  
久厭羶葷愁下筯眼明湖上得雙螯

湖上

寒食初過穀雨前輕衫短帽影翩翩獨轅碾破新堤路  
雙耜犁殘古廟孺萬事不禁劉毅擲諸人誰著祖生鞭  
市爐處處誇新釀且就花陰一醉眠

春晚

落絮飛花又滿城年光大半付春醒  
蹇驢閒後詩情減  
陣馬拋來髀肉生  
少日雕蟲真小技  
算年画餅更虛名  
囊中幸有黃庭在  
安得高人與細評

食酪

南京北饌妄相高  
常笑紛紛兒女曹  
未必鱸魚毛菰菜  
便勝羊酪薦櫻桃

六言

愛馬能成一癖  
結髦可忘百憂  
我亦時時自笑  
開編萬

事俱休

又

遇合生封萬戶  
阨窮不直一錢  
此是由來事爾  
正須到處欣然

又

豪士以妾換馬  
畊農賣劔買牛  
我看浮雲似夢  
却貪山水閒遊

又



風細飛花相逐林深啼鳥移時客至旋開新茗僧歸未  
拾殘碁

又

覓飽如籌大事擁書似墮重圍誤喜敲門客至出看啄  
木驚飛

又

香煙觸簾不散燈焰無風自搖獨倚蒲團寂寂忽聞山  
雨蕭蕭

書意示子孫

我閱人間久深知理惡盈孳孳訓來裔堇堇作儒生仕  
勿卑曹掾書纔記姓名茆茨不啻足此外盡浮榮

算春龜堂即事

風日初和晝漏長蕭然巾屨集茆堂雨餘千壘算山綠  
花落一溪春水香斷簡櫝中塵委積故人墓上草荒涼  
爾來幸有寬懷處病退牀頭減藥囊

又

躑躅花開照眼明  
緩扶藤杖繞廊行  
流年又見一春過  
苦雨畧無三日晴  
覓句未應妨熟睡  
漱泉聊足解餘醒  
鹿麕稚子常追逐  
誰識山翁及物情

又

日月無根去若馳  
故園又見落花時  
盃中綠酒不肯飲  
鏡裏蒼顏應自知  
千丈新堤湖水滿  
五更殘漏角聲悲  
算年父子難乖隔  
淮浦書來苦覺遲

又

東皇促駕又天涯一片難尋墮地花瘦策穿林數新筍  
素屏圍枕聽鳴蛙蚕房已裏清明種茶戶初收穀雨芽  
欲把一盃壺已罄謾搜詩句當年華

莫辭酒

勸君莫辭酒酒能解君愁勸君勤采藥藥可使疾瘳此  
外莫廢書書亦豈君悞古來敗人事正以不學故愁去  
疾亦平便腹如瓠壺努力貯萬卷無此令君愚

懷友

酒家旗下分攜久山驛燈前感慨頻  
人事已隨雙鬢改  
柳條又見一年新

蘭亭道上

湖上青山古會稽  
斷雲漠漠雨淒淒  
藍輿晚過偏門市  
滿路春泥聞竹雞

又

蘭亭步口水如天  
茶市紛紛趁雨前  
烏笠遊僧雲際去  
白衣醉叟道傍眠

又

陌上行歌日正長  
吳蠶捉績麥登場  
蘭亭酒美逢人醉

花塢茶新滿市香

蘭亭官酤名也  
花塢茶名

又

箭箠弓弦小獵回  
壯心自笑未低摧  
前身家近盤閭路  
曾看吳王射雉來

殘年

殘年光景易駸駸  
屏迹江村不厭深  
新麥熟時蚕上簇

晚鶯啼處柳成陰  
短檠已負觀書眼  
孤劍空懷許國心  
惟有雲山差可樂  
杖藜誰與伴幽尋

春老

春色垂垂老  
山家處處忙  
園丁賣菰白  
蚕妾采桑黃  
候雨占秧信  
催兒築麥場  
醉眠官道上  
人為護牛羊

睡起

睡起披衣弄素琴  
房櫳槐柳綠成陰  
春殘鶉鴂如多恨  
雨惡醪醑欲不禁  
羸病強行常蹉跎  
戇愚多慮每噫喑

行年九十猶賒死誰測高高厚厚心

自規

立志當如塞決河犀編鐵硯未為過文難稱意古所恨  
學不盡才今亦多四海交朋常隔濶一生光景易蹉跎  
耄年尚欲鞭吾後太息無人為詆訶

夜聞雷雨大作

暗空霧雨無時已卷地風雷却是晴九十老翁更事久  
寄言兒女不須驚




劔南詩彙卷八十一


謹案卷八十第六頁前一行酒旆傍隄斜刊本旆  
作帘據唐宋詩醇改

第九頁前二行獨子解迎門外客刊本獨訛倭據  
宋詩鈔改

卷八十一第二十二頁前三行花塢茶名刊本花  
訛茶今改







總校官庶吉士臣張能照

校對官編修臣裴謙

謄錄監生臣劉銓英